

Powšitkowne WOZJEWJENJA

njedźelu, 13. januara 2019

Swjedzeń swjateho Bosćana

Předsydstwo Bratstwa swjateho Bosćana přeprašuje wšitkich na swjedzeń swjateho Bosćana njedźelu, 20. januara, do Chróscic. Bože mše budu w 7.00 hodž., 9.00 hodž. a 10.30 hodž (němske). Swjedženski nyšpor z procesionom po wsy je w 14.00 hodž. Po nyšporje změja čłonojo bratstwa na farje swoju hłownu zhromadźiznu.

Wěriwi ze wšitkich serbskich wosadow su přeprašeni, do Bratstwa swjateho Bosćana zastupić. Štóž chcył z čłonom bratstwa być, njech so hač do pjatka, 18. januara, na Chróšćanskej farje přizjewi, telefonowe čisło (03 57 96) 8 04 00.

Seminary k přirotej na mandželstwo

Přizjewjenja za lětuše seminary k přirotej na sakrament mandželstwa pjatk a sobotu, 8. a 9. kaž tež 22. a 23. měrca, přijimuju pisomnje hač do pjatka, 15. februara, w Dekanatnym dušepastyrstwje we Worklecach. Formulary k tomu su w cyrkwjach wupožžene. Dalši seminar wotměje so pjatk a sobotu, 29. a 30. nowembra.

Přednošk propsta Clemensa Hrjehorja w hospodže

W Chróšćanskej putniskej hospodže porěči propst Clemens Hrjehor z Kamjenicy njedźelu, 20. januara, w 19.00 hodž. k temje „Čěkancy a my – nazhonjenja fararja“. Wšitcy su wutrobnje přeprašeni.

Worship-night za serbskich młodostnych: „There is more!“

Boha z wotewrjenej wutrobu přiwzać, jemu so bližić w modlitwje a spóznać, zo je wěra wjele wjace hač to, štož sy dotal dožiwił – k tomu maš přiležnosć na wječorku pod hesłom „There is more!“. Tón wotměje so sobotu, 26. januara, w 19 hodž. we Worklečanskim Don Boskowym domje. Worship je moderne wašnje modlenja, při kotrymž spěwajo Jězusa a Boha chwališ. Wšitcy serbscy młodostni su na mału worship-night přeprašeni, w kotrejž budže 148. psalm wažnu rólu hrać. Spěwač budže so w jendźelskej, němskej a serbskej rěči. Fokus je wědomje na Boha, Jězusa a na křesćansku wěru položeny. Podpěrač budu serbskich młodostnych młodži křesćenjo z Drježdžan.

Termin putnikowanja do Krupki jasny

Putnikowanje serbskich młodostnych do Krupki budže wot 28. julija do 2. awgusta. Nadrobnosće so hišće wozjewja.

Musical wo nakazanej milionarce

Rakečanski Paulusowy chór zanjese sobotu, 19. januara, w 19 hodž a njedźelu, 20. januara, w 16 hodž. we Wojerowskej Łužiskej hali musical „Die Millionärin“. W nim předstaja so žiwjenje Sabiny Ball (1925-2009), kotraž je jako čěkanča z tehdyšeho Königsberga bombowu nóc 1945 w Drježdžanach přežiwiła. Jako 24lětna je do Ameriki šła, so tam na milionara wudała a po bolostnych wosobinskich nazhonjenjach puć ke křesćanstwu našla.

Zastupne lisćiki za předstajeni we Wojerecach měli sej zajimcy skazać pak pod čisłom (03 59 31) 20 224 pak pod (01 75) 26 33 692 abo z mailku pod info@norbertbinder.de.

Kurs k přewodzenju ćežkochorych a mrějacych

Nowy přihotowanski kurs k přewodzenju ćežkochorych a mrějacych zahaji so srjedu, 6. februara, w zetkawanskim domje Carity w Kamjencu, Dróha jednoty 2. Wukubłanje přewjedu koordinatorojo ambulantneje hospicneje služby, zo bychu zajimowanych ludźi na tule čestnohamtsku službu přihotowali. Chorych a mrějacych přewodžeć je wutrobna naležnosć, tola słuša k tomu tež wěsta wěda, zo móhlo so sensibelnje na požadosće jatra chorych a mrějacych reagować, skedźbnja Caritas. Pod hesłom „Přewodžeć nawuknyć“ ma kurs hač do 7. měrca trać – a to kóždu srjedu wot 17 do 21 hodź. kaž tež na dwěmaj sobotomaj wot 9 do 15 hodź. Přeprošeni su mužojo a žony rozdźělных starobow a powołanjow, kotřiž su na sobudžele w ambulantnej hospicnej službje zajimowani, kaž tež wukubłani hladarjo chorych a starych ludźi. Přizjewjenja su móžne w domje Carity na Haydnowej 8 w Kamjencu, telefonowe čisło (0 35 78) 37 43 12. Tam dóstanu zajimcy nadrobniše informacije.

Putnikowanja z busom a lětađłom

Tež lětsa přeprošuju zaso zajimcow na putniske jězby. Přnja powjedže wot njedzele do njedzele, 23. do 30. junija, z busom do Toskany. Dalša putniska jězba z busom budže wot štwórtka, 3. oktobra, do wutory, 15. oktobra, do Lourdesa, Fatimy, Santiaga de Compostele a do Avile. Z lětađłom podamy so wot njedzele do njedzele, 8. do 15. septembra, na putnikowanje do Swjateho kraja. Nadrobniše informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowy puć 2. *Maćij Hadank*

Putniska jězba do Ukrainy

Putniska jězba do ukrainskeho Lviva (pólsce Lwów, němsce Lemberg) wotměje so wot štwórtka do wutory, 8. do 13. awgusta, ze Šmitec jězbami w Radworju. Hłowne město zapadneje Ukrainy je ze swojimi stawiznami a kulturu wulce zajimawe. Wšako je w běhu svojich stawiznow přežiwiło pólske, rakuske, sowjetske a němske knjejstwo. Wobdžělmy so na swjatočnej Božej mši po grjekske-katolskim wobrjedže, wopytamy mniši klóšter w Univje, wobhladamy sej katolsku uniwersitu, póndžemy do opery a zetkamy so z wěriwymi woneho města. Změjemy přewod domoródnego kulturnika. *T. Kubašec*